

Me Shop

At me shop I hae shelves o maet, sweeties, biscuits, bread, fish an flooers. Dere aa on different levels, no aa straight, some brawly skave. I pit da stuff dat might rowl aaf on da straight shelves. I hae a shed at the back. I keep animal food in dere an dug hooses, bird hooses, wid n pent. An if you want, you could hae a cup of tea or coffee an a biscuit or a lollipop for bairns, if dir good.

Da opening times are Seturday n Sunday 9:00am-5:30pm. I have haed my shop fur 6 years, since I wis two. Sometimes I canna get dere fur da burn, an naeder can my customers boot dats OK. Ay day when I wis right peerie I climbed up whaur da shop is an I said, "How can I help you Madam" Grandma wis walkin down below, so she wis my first customer. Dats when I cam up we da idea o haein' a shop.

Shu helped set up da shop and fill da shelves, it sometimes taks half an hour, dependin on hoo muckle dere is tae do. Sometimes my bridders help, boot dey dunna help aa da time, dey normally go an play in da burn, looking fur fish. It is a fair deep burn sometimes and fish come up an jump oot o da waater. Wance I jump ower and caught a fish, it wis jumpin oot o da waater n I joost haed tae catch it. It wis really crazy,

boot I managed tae keep it an tak it aa da wey back tae me shop. I filled a bucket o waater and pat it in, it swam roond in circles, dan jump oot n tried tae get back tae da burn. I selt it tae a tourist frae Japan fur £1.50. I see tourists a lot, every week I mak at least £50 and everyday I get £25, sometimes I see local folk we der dugs.

At Christmas, when I guid tae me shop, I got a gluff becis it wis been a load o wind da night afore. Da maet wis blown around da floor, da fridges were tipped on dere sides lik dominoes. It wis some mis, it took some time tae clear up. Me peerie bridder, Lewis faan a huggie staff n I fan a dead fish, I only got 10p fur dat een. I hae a room fu o toys, fur presents and bairns, I hae devices, baby toys, barbies and board games, lik Harry's Toy Shop, we some big toys. Its fairly fun ownin' a shop we toys becis dere a fair amoont o folk dat come tae buy toys.

Da shop is in Unst, boot I bide in Yell. Da shop is da biggest stane on da Norik beach afore you get tae da Taing. Its normally higher dan me, boot sometimes it is peerier dan me, dependin how high da saand is. Da shelves are slates jammed atween big rocks, da stuff I sell is shells, da money I earn is peerie flat steens, boot da fish are real. So if I canna git tae me shop I'll git

money fae da beach. If I fin some rare grotty buckies
atween da teen n da peerie Rev I can sell dem fur a
fiver. You are welcome tae come tae my shop
whaniver you waant.